



মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071
Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

২৪ জুলাই ২০০৬

বঙ্গ সংস্কৃতির স্বাদ নিতে মার্কিন দল কলকাতায়

কলকাতা -- মার্কিন স্কুল শিক্ষক-শিক্ষিকা এবং গ্রন্থাগার ও জাদুঘর পরিচালকদের ১৬ জনের একটি দল ২৫-২৮ জুলাই এই শহরের নানা জায়গায় ঘুরবে এবং স্থানীয় মানুষের সঙ্গে মত বিনিময় করবে। ভারতীয় জীবন, সমাজ-সংস্কৃতি, তার ইতিহাস এবং শিক্ষা ব্যবস্থা সম্পর্কে প্রত্যক্ষ ধারণা করাই তাদের এই সফরের উদ্দেশ্য।

মার্কিন শিক্ষাবিদরা কলকাতার ইন্ডিয়ান ইনসিটিউট অব সোরিব্রাল পলাস ঘুরে দেখবেন। সেখানে এক আলোচনাসভাতেও তাঁরা যোগ দেবেন। বিষয় হল, “পূর্বাঞ্চলে সাম্প্রতিক শিক্ষা ব্যবস্থা এবং বিশেষ প্রয়োজন-ভিত্তিক শিক্ষা।” এই মার্কিন দলটি সেন্ট জনস ডায়োসেশান গার্লস হাইস্কুলে গিয়ে সেখানকার প্রিসিপাল, শিক্ষিকা ও ছাত্রীদের সঙ্গেও কথাবার্তা বলবে। এছাড়াও তাঁরা শহরের নানান ঐতিহ্যপূর্ণ জায়গা ঘুরে দেখবেন এবং কয়েকটি সাংস্কৃতিক অনুষ্ঠানও দেখবেন। বাংলার কথকতা ও লোকশিল্পীদের আঁকা পটচিত্রের সঙ্গেও তাদের সম্যক পরিচয় করিয়ে দেওয়া হবে।

আমেরিকার বিভিন্ন শহরের শিক্ষা প্রতিষ্ঠান থেকে বাছাই করা সদস্যদের নিয়ে গঠিত এই প্রতিনিধি দলটি ৩০ জুন-৪ আগস্ট ভারত সফরে এসেছে। এই সফরের উদ্যোগ মার্কিন শিক্ষা দণ্ডের অর্থানুকূল্যে চালু ফুলব্রাইট-হেজ সেমিনার অ্যাব্রড প্রোগ্রাম। তাদের কর্মসূচী রূপায়ণের দায়িত্বে রয়েছে ইউএস এডুকেশনাল ফাউন্ডেশন ইন ইন্ডিয়া।

এবারের কর্মসূচীর বিষয়বস্তু হল, “ভারত সম্পর্কে জ্ঞানের প্রসারণ।” ভারতের অভিনব সাংস্কৃতিক, সামাজিক, ধর্মীয় ও ঐতিহাসিক বিষয়গুলি সম্পর্কে মার্কিন ভ্রমণকারীদের ওয়াকিবহাল করে তোলাই এর অন্যতম লক্ষ্য। ভারতের শিক্ষা নীতির ওপর অর্থনৈতিক ও রাজনৈতিক প্রভাব, কন্যা সন্তানের মর্যাদা এবং শিক্ষা ক্ষেত্রে তার গুরুত্ব বৃদ্ধি, শিক্ষা ও স্বাস্থ্য, পারিবারিক কাঠামো ও আত্মীয়-পরিজনের পরিবর্তিত ধরণ, বিবাহ এবং ভারতের আধুনিকীকরণ সহ বিবিধ বিষয় সম্পর্কেও এই মার্কিন অতিথিদের অবহিত করা হবে।
